

龜堰之碑

A 播磨州印南郡國包邨龜堰碑銘

豐後廣瀨謹撰并書

浪華吳策篆額

B 山陽八列播在東而尤大播十諸侯姬路在東而尤大播之為地前海後山南卑北高出明石西北行入姬路封

C 內甌婁萬頃靡有渠洫而邑里稀疏至國包始見水田人家比列蔚然成邑國包之西有一水名瀧野川南流入

D 海東北亦有一水名美濃川西流入瀧野川二水會處上流數百步側有一渠西南流入國包所謂龜堰也往昔

E 瀧野川在國包東嘉祿中決而西移沙石沒田經六百餘歲樹大叢生為一帶長林其未沒者二十餘頃每田鑿

F 井拮□是賴男婦夏畦之勞異常至他邑女子怕嫁於國包土人烟應親居常慨之與其所善烟源右衛門烟國

G 列高橋源右衛門大工藤藏謀鑿渠人皆謂川卑於田必不成矣應親恐外人泄聞或致妨碍深夜拉藤藏等用

H 準而測地勢議曰瀧野卑須堰美濃也而其西岸下石野東岸正法寺皆係隣侯封內恐不肯設堰領水乃厚禮

I 請二邑畑氏邑著姓也應親夙以信義聞隣境人素服之乃許我請應親請諸木□得 兄文化甲戌始用役夫

J 鑿渠於川側堰川而行水焉以田有高低劃渠為二一上一下以便灌溉又謂川屢移高下無常今之所堰異日

K 涸亦不可知也乃請立分水標於川左右上下數百步之間隨處設堰二邑又許之丙子役竣名曰龜堰渠長五

L 十町自國包傍及宗佐舟町二邑礮瘠悉為膏腴居十餘年長林稍闢得田數十頃國包原百五十戶增至二百

M 餘戶 官以新墾故特薄其稅然歲額增百四五十石民則咸富他邑人莫不嚮羨 侯躋應親功年賜米五苞

N 就其歲租額內咸一石八斗八升一合之 親臨典家賜印籠賞源右衛門以下有差應親又為 侯家謀將堰

O 美濃最上流鑿一大渠悉溉明石以北甌婁萬頃既有成算未上嘉永巳酉八月病沒土人念其遺德與其子義

P 知謀立碑屬銘于余銘曰

Q 浩浩洪流沒我良田不稼不穡六百卅年懿矣畑子邃究地理三歲困劬一朝行水傑然蔓草朝除夕掃蔚乎長

R 林年誅月討嘉種好苗秋豐春饒氓舞于野 君賀于朝凡物之利易一難二貴之欣笑為賤之懟若不良圖僅

S 見一隅兩損或有兩益絕無彼哉李悝固哉白圭所以孟軻罪闢草萊斯□異茲上下雙宜 君既厚褒氓亦立

T 碑渠水悠悠遺芳共流無涸無竭千秋萬秋 嘉永七年甲寅秋八月